



გამარტივებული ელექტრონული ტენდერის

დოკუმენტაცია

თიანეთის მუნიციპალიტეტში, თბილისი (გლდანის)-თიანეთის შიდასახელმწიფოებრივი მნიშვნელობის საავტომობილო გზიდან არჩილის მონასტერთან და ჟებოტის ამაღლების კომპლექსთან მისასვლელი საავტომობილო გზების რეაბილიტაციის საპროექტო-სახარჯთაღრიცხვო დოკუმენტაციის შედგენის მომსახურების სახელმწიფო შესყიდვის შესახებ (CPV71320000)

ქ. თბილისი
2016 წელი

სარჩევი

1	ინსტრუქცია ტენდერში მონაწილეთათვის	3
	ტექნიკური დოკუმენტაცია	4
2	დანართი N1- ტექნიკური დავალება	6
3	დანართი N2 - ხარჯთაღრიცხვა	9
4	დანართი N3 - რეკვიზიტები	10
5	სახელმწიფო შესყიდვის შესახებ ხელშეკრულების პროექტი	11

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იყოს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.5. პრედენდენტს არა აქვს უფლება წარმოადგინოს ალტერნატიული სატენდერო წინადადება

2. ტექნიკური დოკუმენტაცია

2.1. პრეტენდენტის მიერ ერთიან ელექტრონულ სისტემაში ასატვირთი ინფორმაცია:

პრეტენდენტმა სახელმწიფო შესყიდვების ერთიანი ელექტრონული სისტემის საშუალებით უნდა წარმოადგინოს შემდეგი სახის ინფორმაცია:

ა) დანართი N2 - ფასების ცხრილი (ხარჯთაღრიცხვა);

ბ) ქუჩების ან/და საავტომობილო გზების მშენებლობის ან მოდერნიზაციის ან რეკონსტრუქციის ან რეაბილიტაციის (გარდა ორმოული, პერიოდული შეკეთებისა და მოვლა-შენახვის სამუშაოები) შესახებ საპროექტო-სახარჯთაღრიცხვო დოკუმენტაციის შედგენის მომსახურებაზე გაფორმებული ხელშეკრულება და ამ ხელშეკრულების ფარგლებში მომსახურების მიწოდების დამადასტურებელი დოკუმენტ(ებ)ი (მომსახურების გაწევის აქტი, ან/და გაწეული მომსახურების მიღება-ჩაბარების აქტი, ან/და სარეკომენდაციო წერილი შესყიდვის ობიექტის შინაარსის, ხელშეკრულების რეკვიზიტების, მიწდებული მომსახურების ღირებულებისა და მიწოდების თარიღის მითითებით), რომლის თანახმადაც დადასტურდება, რომ პრეტენდენტს 2011-2016 წლების განმავლობაში არაუმეტეს 2 პროექტის (დასრულებული ხელშეკრულება გარდა საავტორო ზედამხედველობისა) ფარგლებში განხორციელებული აქვს ქუჩების ან/და საავტომობილო გზების მშენებლობის ან მოდერნიზაციის ან რეკონსტრუქციის ან რეაბილიტაციის (გარდა ორმოული, პერიოდული შეკეთებისა და მოვლა-შენახვის სამუშაოები) საპროექტო-სახარჯთაღრიცხვო დოკუმენტაციის შედგენის მომსახურება, რომლის ღირებულება უნდა შეადგენს არანაკლებ 64.000 (სამოცდაოთხი ათასი) ლარს;

გ) დანართი N3 - ინფორმაცია რეკვიზიტების შესახებ;

დ) სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).

შენიშვნა:

ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იყოს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

2.2. ტექნიკური დავალება, სამუშაოს შესრულების პირობები და ვადები

2.2.1. შესყიდვის ობიექტის ტექნიკური დავალება და ტექნიკური დავალების დანართი მოცემულია სატენდერო დოკუმენტაციის დანართში N1, რომელიც შემდგომ განისაზღვრება გამარჯვებულ მიმწოდებელთან გაფორმებული ხელშეკრულების განუყოფელ ნაწილად.

2.2.1. მომსახურების ცალკეული ეტაპების მიწოდების ვადები მოცემულია სატენდერო დოკუმენტაციის დანართის N1 (ტექნიკური დავალება) მე-5 პუნქტში (ანგარიშება და განრიგი).

2.3. სატენდერო წინადადების ფასი და დააგნგარიშების წესი.

2.3.1. პრეტენდენტმა უნდა წარმოადგინოს ფასების ცხრილი (ხარჯთაღრიცხვა) დანართის N2 მიხედვით.

2.3.2. ფასი გამოსახული უნდა იყოს ლარში, რაც უნდა მოიცავდეს დანართით N1 (ტექნიკური დავალება) გათვალისწინებული მომსახურების მიწოდებისთვის გათვალისწინებულ ყველა ხარჯსა და მოსაკრებელს და მიმწოდებლისთვის გათვალისწინებულ ყველა გადასახადს, მათ შორის დამატებითი ღირებულების გადასახადს თუ მიმწოდებელი არის დ.ღ.გ.-ს გადამხდელი.

2.3.4. პრეტენდენტის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-ით და ან მეტი ოდენობით სხვაობისას, სატენდერო კომისიის გადაწყვეტილების საფუძველზე, შემსყიდველის წერილობითი მოთხოვნიდან 5 სამუშაო დღის ვადაში, პრეტენდენტი ვალდებულია, სახელმწიფო შესყიდვების ერთიან ელექტრონული სისტემის საშუალებით წარმოადგინოს:

2.3.4.1. დეტალური გაანგარიშება ფასწარმოქმნის ადეკვატურობის და/ან ამ ფასად ვალდებულების მიწოდების შესაძლებლობის შესახებ. ფასწარმოქმნის ადეკვატურობის და/ან შემოთავაზებულ ფასად ვალდებულების მიწოდების შესაძლებლობის დასაბუთებაში დეტალურად მითითებული უნდა იყოს დანართით N1 (ტექნიკური დავალება) გათვალისწინებული გასაწევი ყველა ღონისძიების ხარჯი, კერძოდ:

1. დანართით N1 (ტექნიკური დავალება) გასაწევი ცალკეული ღონისძიებების მიხედვით უშუალოდ პრეტენდენტთან დასაქმებული პერსონალის სპეციალობა, ცალკეული სპეციალობის მიხედვით სპეციალისტთა რაოდენობა, მათი დასაქმების პერიოდი მომსახურების გაწევისას (კაც-დღე), რომელიც უნდა შეესაბამებოდეს დანართით N1 (ტექნიკური დავალება) გასაწევი ღონისძიებების ვადებს, თითოეული სპეციალისტის ერთი დღის ხელფასი და სულ გასაცემი ხელფასი გადასახადების ჩათვლით.

2. მივლინების ხარჯი (ასეთის არსებობის შემთხვევაში) მივლინების დღეების რაოდენობის, მივლინებულ პირთა რაოდენობის, მივლინების პერიოდში ცხოვრების ხარჯების (საცხოვრებელი ფართის დაქირავების ხარჯი, კვების ხარჯი), მგზავრობისა და სხვა აუცილებელი ხარჯების მითითებით;

3. მომსახურების გაწევისას გამოსაყენებელი აუცილებელი მოწყობილობების დაქირავების (ასეთის აუცილებლობის შემთხვევაში) ხარჯები.

4. დანართით N1 (ტექნიკური დავალება) გათვალისწინებული მხოლოდ საძიებო-კვლევით ღონისძიება(ებ)ზე ქვეკონტრაქტორ(ებ)ის გამოყენებით (ასეთის აუცილებლობის შემთხვევაში) გასაწევი ღონისძიებ(ებ)ის დასახელება, ქვეკონტრაქტორის დასახელება, ქვეკონტრაქტის ღირებულება.

შენიშვნა: პრეტენდენტს უფლება აქვს ქვეკონტრაქტორის საშუალებით (აუცილებლობის შემთხვევაში) მომსახურება გაწიოს მხოლოდ დანართით N1 (ტექნიკური დავალება) გათვალისწინებული საძიებო-კვლევით ღონისძიებ(ებ)ის განხორციელებისას.

5. დანართით N1 (ტექნიკური დავალება) გათვალისწინებული მომსახურების გაწევისთვის გათვალისწინებული ზედნაღები ხარჯი და კანონმდებლობით გათვალისწინებული ყველა გადასახადი.

2.3.4.2. ფასწარმოქმნის ადეკვატურობის და/ან ამ ფასად ვალდებულების მიწოდების შესაძლებლობის შესახებ ფასწარმოქმნის ადეკვატურობის და/ან შემოთავაზებულ ფასად ვალდებულების მიწოდების შესაძლებლობის დასაბუთების დეტალურ გაანგარიშებასთან ერთად პრეტენდენტმა სავალდებულოდ უნდა წარმოადგინოს:

1. დანართით N1 (ტექნიკური დავალება) გასაწევი ცალკეული ღონისძიებ(ებ)ის მიხედვით პრეტენდენტთან, დასაქმებული პერსონალის წერილობითი თანხმობა და/ან შრომითი ხელშეკრულება, რომლის თანახმადაც შესაძლებელი იქნება დადასტურდეს, რომ დასაქმებული პერსონალი უზრუნველყოფს პრეტენდენტის მიერ წარმოდგენილი ფასწარმოქმნის ადეკვატურობის და/ან ამ ფასად ვალდებულების მიწოდების შესაძლებლობის შესახებ დეტალურ გაანგარიშებაში მითითებული ხელფასის სანაცვლოდ შეასრულოს დაკისრებული მოვალეობა.

2. დანართით N1 (ტექნიკური დავალება) გათვალისწინებული მხოლოდ საძიებო-კვლევით ღონისძიება(ებ)ზე ქვეკონტრაქტორ(ებ)ის გამოყენების შემთხვევაში, ქვეკონტრაქტორ(ებ)თან გაფორმებული ხელშეკრულებ(ებ)ი და/ან განზრახვათა შესახებ ხელშეკრულებ(ებ)ი და/ან ქვეკონტრაქტორ(ებ)ის წერილობითი თანხმობა რომლის თანახმადაც დადასტურდება, რომ ქვეკონტრაქტორ(ებ)ი უზრუნველყოფს პრეტენდენტისათვის დანართით N1 (ტექნიკური დავალება) გათვალისწინებული იმ ღონისძიებ(ებ)ის განხორციელებას, რომელიც მითითებული იქნება პრეტენდენტის მიერ წარმოდგენილი ფასწარმოქმნის ადეკვატურობის და/ან ამ ფასად ვალდებულების მიწოდების შესაძლებლობის შესახებ დეტალურ გაანგარიშებაში.

2.4. ანგარიშსწორების პირობები:

ანგარიშსწორების პირობების მოცემულია ხელშეკრულების მე-7 პუნქტში.

2.5. ხელშეკრულების შესრულების უზრუნველყოფის საბანკო გარანტია - არ გამოიყენება

2.6. დაფინანსების წყარო: სახელმწიფო ბიუჯეტიდან გამოყოფილი სახსრები.

2.7. დამატებითი ინფორმაცია:

2.7.1. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის მოდულის „კითხვა/პასუხის“ მეშვეობით შესაბამის ტენდერში „ტენდერი გამოცხადებულია“ სტატუსის მინიჭებიდან „წინადადების მიღება დასრულებულია“ სტატუსის მინიჭებამდე არაუგვიანეს 24 საათისა.

2.7.2. ტენდერთან დაკავშირებული განმარტებისა და დამატებითი ინფორმაციის დაზუსტება/განმარტება განხორციელდება გონივრულ ვადაში, მაგრამ არაუგვიანეს 2 საათისა შესაბამის ტენდერში „წინადადების მიღება დასრულებულია“ სტატუსის მინიჭებამდე.

2.7.3. ყველაზე დაბალი ფასის წინადადების მქონე მიმწოდებლის მოთხოვნის შემთხვევაში 2.7.1. პუნქტით გათვალისწინებული შესაბამისი დაზუსტება/განმარტება განხორციელდება გონივრულ ვადაში, შესაბამის ტენდერში „შერჩევა/შეფასების“ სტატუსის მინიჭებიდან „ხელშეკრულება დადებულია“ სტატუსის მინიჭებამდე.

2.7.4. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის გაცემაზე უფლებამოსილი პირი არის სატენდერო კომისიის აპარატის წევრი გიორგი ბულიეშვილი. საკონტაქტო ინფორმაცია ტელ: +995 32 2437001/02/03/04 (შიდა ნომერი 414)

ტექნიკური დავალება და მომსახურების აღწერილობა
თიანეთის მუნიციპალიტეტში, თბილისი (გლდანის)-თიანეთის შიდასახელმწიფოებრივი
მნიშვნელობის საავტომობილო გზიდან არჩილის მონასტერთან და ჟებოტის ამაღლების
კომპლექსთან მისასვლელი საავტომობილო გზების რეაბილიტაციის საპროექტო-
სახარჯთაღრიცხვო დოკუმენტაციის შედგენის მომსახურება

1. შესავალი

საქართველოს მუნიციპალური განვითარების ფონდის (შემდგომში შემსყიდველი) მიზანს წარმოადგენს ხელი შეუწყოს მუნიციპალიტეტების ინსტიტუციური და ფინანსური შესაძლებლობის გაძლიერებას ადგილობრივ ინფრასტრუქტურასა და სამსახურებში ფინანსური რესურსების ინვესტირების მეშვეობით და პირველადი ეკონომიკური და სოციალური მომსახურების მდგრად გაუმჯობესებას ადგილობრივი თემებისათვის. შემსყიდველი წარმოადგენს პროექტის განმახორციელებელ და გადამხდელ ორგანიზაციას უცხოური და ადგილობრივი სახსრებით დაფინანსებული პროექტებისათვის.

საქართველოს მთავრობის N 692 (22.04.2016) განკარგულებით საქართველოს მუნიციპალური განვითარების ფონდს დაევალა თიანეთის მუნიციპალიტეტში თბილისი-თიანეთის შიდასახელმწიფოებრივი გზიდან არჩილის მონასტერთან და ჟებოტის ამაღლების კომპლექსთან მისასვლელი გზების რეაბილიტაცია.

წინამდებარე ტექნიკური დავალება მოიცავს საკონსულტაციო მომსახურებას ტექნიკურ-ეკონომიკური შესწავლის და დეტალური საინჟინრო პროექტის მოსამზადებლად აღნიშნული ქვეპროექტისათვის.

2. ქვეპროექტის მოკლე აღწერა

ობიექტი მდებარეობს თიანეთის მუნიციპალიტეტში, ზემოაღნიშნული გზები ადგილობრივი მნიშვნელობისაა. არჩილის მონასტერთან მისასვლელი გზის სიგრძე შეადგენს 6.0 კმ-ს (დაზუსტდეს ადგილზე) სიგანე 7-9 მ. ჟებოტის ამაღლების კომპლექსთან მისასვლელი გზის სიგრძე 1.2 კმ-ს. (დაზუსტდეს ადგილზე) სიგანე 6-7 მ. ჯამური სიგრძე 7.2 კმ. გზას არ გააჩნია კიუვეტები.

3. დავალების მიზანი

გზის გასუფთავება ტალახისა და ზედმეტი გრუნტისაგან, ქვესაგები ფენა ქვიშა-ხრეშისაგან სისქით 10 სმ. საფუძველი ფრაქციული ღორღი (0-40) სისქით 12-15 სმ. ორფენიანი ა/ბეტონი მსხვილმარცვლოვანი სისქით 6 სმ. და წვრილმარცვლოვანი სისქით 4 სმ. გასაწმენდია მიწის კიუვეტები და საჭიროების შემთხვევაში მოეწყოს ხელოვნური ნაგებობები (მილხიდი, გაბიონი, საყრდენი კედელი და სხვა)

გასათვალისწინებელია მიერთებები და ეზოში შესასვლელები.

3.1 დეტალური საინჟინრო პროექტის და სატენდერო მასალების მომზადება

მომსახურება მოიცავს (მაგრამ შეიძლება არ შემოიფარგლოს) დეტალური პროექტის შესადგენად საძიებო-კვლევით და საპროექტო სამუშაოებს, კერძოდ:

- I. ობიექტის რეკონოსტირება
- II. საძიებო-კვლევითი სამუშაოები
 - ტახეომეტრიული აგეგმვა;
 - სავალი ნაწილის არსებული საგზაო სამოსის კონსტრუქციის გამოკვლევა (გეოლოგიური ჭრილები);
 - ბორდიურების ტექნიკური მდგომარეობის შესწავლა;
- III. საპროექტო სამუშაოები
 - საგზაო სამოსის კონსტრუქციის შერჩევა;
 - გრძივი და განივი პროფილების დაპროექტება;
 - წყალამრიდი ღონისძიების გათვალისწინება საჭიროების მიხედვით;
 - სისტემის ელემენტების ტექნოლოგიური ნახაზები, მასშტაბი 1:100/200/500;

- სამუშაოთა მოცულობების საპიკეტო უწყისის შედგენა;
- სამუშაოთა მოცულობების კრებსითი უწყისის შედგენა;
- საჭირო მასალების ამონაკრები;
- საჭირო მანქანა-მექანიზმების უწყისის შედგენა;
- მშენებლობის კალენდარული გრაფიკი;

IV. მშენებლობის ორგანიზაცია;

V. მშენებლობის ხარჯთაღრიცხვა.

VI. სატენდერო დოკუმენტაციისათვის ტექნიკური სპეციფიკაციების მომზადება.

პროექტის განმარტებით ბარათში მოკლედ უნდა იყოს აღწერილი არსებული მდგომარეობა და საპროექტო გადაწყვეტილებები (უნდა დაერთოს საჭირო გაანგარიშებები, სქემები, ცხრილები, ფოტომასალა და ა.შ.), მოცემული უნდა იყოს სარეაბილიტაციო ობიექტის ძირითადი პარამეტრები, გამოყენებული მასალების სპეციფიკაციები, სამუშაოთა ჩამონათვალი, მოცულობები და მშენებლობის ორგანიზაციის რეკომენდაციები საორიენტაციო კალენდარული გრაფიკით, გარემოსდაცვითი ნაწილი.

მითითებული უნდა იყოს გამოყენებული სამშენებლო ნორმები და წესები და გაანგარიშებების მეთოდები.

ტექნიკური სპეციფიკაციები უნდა მოიცავდეს კონტრაქტორისათვის (სამშენებლო ტენდერში მონაწილეთათვის) ზოგად მითითებებსა და რეკომენდაციებს. ასევე, დეტალურ სპეციფიკაციებს (ყველა აუცილებელი სტანდარტის მითითებით) გამოყენებული მასალებისათვის, სამუშაოთა შესრულების მეთოდებისა და ხარისხის კონტროლისათვის.

პროექტის გრაფიკული ნაწილი (როგორც სამშენებლო, ასევე სატენდერო ნახაზები) შესრულებული უნდა იყოს სამუშაო დოკუმენტაციისათვის მოთხოვნილი ნორმების და სტანდარტების შესაბამისად, სათანადო მასშტაბში და დეტალიზაციით.

პროექტს თან უნდა ახლდეს მოკლე ანოტაცია.

4. მიმწოდებლის (კონსულტანტი) შტატი

მიმწოდებელმა (კონსულტანტი) დავალებით გათვალისწინებული მომსახურების მაღალ დონეზე შესასრულებლად უნდა უზრუნველყოს კვალიფიციური კადრების მობილიზება (როგორც ძირითადი სპეციალისტების, ასევე დამხმარე ტექნიკური პერსონალის).

ყველა ექსპერტი (წამყვანი სპეციალისტი) თავის შესაბამის დისციპლინაში აღიარებული პროფესიონალი უნდა იყოს და გააჩნდეს მსგავსი სამუშაოების შესრულების არანაკლებ 10 წლის პროფესიული გამოცდილების სტაჟი.

5. ანგარიშგება და განრიგი

ხელშეკრულების გაფორმებიდან 7 (შვიდი) კვირის ვადაში მიმწოდებელი (კონსულტანტი) წარუდგენს შემსყიდველს დეტალური პროექტის საწყის ვარიანტს შესათანხმებლად. შემსყიდველი და/ან ხელშეკრულებით განსაზღვრული შემსყიდველის უფლებამოსილი პირი 1 (ერთი) კვირის განმავლობაში მიაწვდის მიმწოდებელს (კონსულტანტი) შენიშვნებსა და კომენტარებს პროექტთან დაკავშირებით.

მიმწოდებელი (კონსულტანტი) ვალდებულია, შემსყიდველის კომენტარების მიღებიდან 1 (ერთი) კვირის განმავლობაში, შეიტანოს სათანადო ცვლილებები პროექტში და საბოლოო ვარიანტი, ტექნიკურ-ეკონომიკურ შესწავლასა და სატენდერო მასალებთან ერთად წარუდგინოს შემსყიდველს.

პროექტის საბოლოო ვარიანტის წარმოდგენიდან 1 (ერთი) კვირის განმავლობაში მიმწოდებელი (კონსულტანტი) წარუდგენს შემსყიდველს ადგილობრივ მუნიციპალიტეტთან პროექტის შეთანხმების დოკუმენტს.

მიმწოდებელმა (კონსულტანტი) უნდა გადასცეს შემსყიდველს ტექნიკურ-ეკონომიკური შესწავლის საბოლოო ანგარიში, დეტალურ პროექტი და სატენდერო მასალები დაბეჭდილი სამ ეგზემპლარად, ქართულ ენაზე.

წარმოდგენილ მასალებს თან უნდა დაერთოს მათი ელექტრონული ვერსია (ტექსტური ნაწილი Word და Excel ფაილების სახით, ხოლო ნახაზები - AutoCAD ან ArchiCAD და PDF ფორმატში).

6. შემსყიდველის წვლილი

შემსყიდველი გადასცემს მიმწოდებელს (კონსულტანტი) მის ხელთ არსებულ ყველა მასალას, რომელიც შეიძლება საჭირო იყოს მომსახურების გაწევისათვის.

7. განსაკუთრებული პირობები

სამშენებლო საქმიანობის განხორციელების პროცესში, მათ შორის საპროექტო დოკუმენტაციის შედგენის ხელშეკრულების ვადის ამოწურვის შემდეგაც, შესრულებული სამუშაოების ხარისხისა და დეტალური საპროექტო დოკუმენტაციის შესაბამისობის უზრუნველსაყოფად, მიმწოდებელი (კონსულტანტი) ვალდებულია მიიღოს მონაწილეობა საპროექტო გადაწყვეტათა დაზუსტებაში, და საჭიროების შემთხვევაში მუშა დოკუმენტაციის, სამშენებლო მოცულობების და კონტრაქტის სხვა შესაბამისი ცვლილებების მომზადება-შეთანხმებაში, ასევე ტექნიკური დავალების დანართით გათვალისწინებული ღონისძიებების განხორციელებაში.

ხარჯთაღრიცხვა

N	შესყიდვის ობიექტის დასახელება	რაოდენობა	შემოთავაზებული ფასი (ლარი)
1	2	3	4
1	თიანეთის მუნიციპალიტეტში, თბილისი (გლდანი)-თიანეთის შიდასახელმწიფოებრივი მნიშვნელობის საავტომობილო გზიდან არჩილის მონასტერთან და ჟებოტის ამაღლების კომპლექსთან მისასვლელი საავტომობილო გზების რეაბილიტაციის საპროექტო-სახარჯთაღრიცხვო დოკუმენტაციის შედგენის მომსახურება	1	

ხელმოწერა

ზ/ა (ბეჭდის არსებობის შემთხვევაში)

რეკვიზიტები

- პრეტენდენტის სამართლებრივი ფორმა და დასახელება:
- ხელმძღვანელის სახელი და გვარი:
- პრეტენდენტის იურიდიული ან/და ფაქტიური მისამართი:
- საიდენტიფიკაციო კოდი:
- პრეტენდენტის ტელეფონის ნომერი:
- ელექტრონული ფოსტის მისამართი:
- მომსახურე ბანკი:
- ბანკის კოდი:
- ანგარიშსწორების ანგარიში:

ხელმოწერა

ბ/ა (ბეჭდის არსებობის შემთხვევაში)

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება სახელმწიფო შესყიდვის შესახებ №

ქ. თბილისი

„ — “ _____ “ 2016წ

ერთის მხრივ სსიპ - საქართველოს მუნიციპალური განვითარების ფონდი (შემდგომში შემსყიდველი), წარმოდგენილი მისი აღმასრულებელი დირექტორის ----- სახით და მეორე მხრივ ----- (შემდგომში - მიმწოდებელი) წარმოდგენილი მისი ----- სახით, შემსყიდველის მიერ გამოცხადებული გამარტივებული ელექტრონული ტენდერის (SPA -----) შედეგების გათვალისწინებით, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და მიმწოდებელ ორგანიზაციას შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ ნიშნავს საერთო თანხას, რომელზედაც მხარეთა შორის გაფორმდა ხელშეკრულება.

1.3. „შემსყიდველი ორგანიზაცია“ (შემდგომში შემსყიდველი) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. „მიმწოდებელი“ ნიშნავს პირს, რომელთანაც შემსყიდველმა გააფორმა სახელმწიფო შესყიდვის შესახებ ხელშეკრულება და რომელიც ახორციელებს მომსახურების მიწოდებას სახელმწიფო შესყიდვის შესახებ მოცემული ხელშეკრულების ფარგლებში;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს თუ ხელშეკრულებით სხვა რამ არ არის გათვალისწინებული.

2. ხელშეკრულების საგანი

2.1. წინამდებარე ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს წინამდებარე ხელშეკრულების დანართით N1 (ტექნიკური დავალება) გათვალისწინებული პირობების შესაბამისად თიანეთის მუნიციპალიტეტში, თბილისი (გლდანის)-თიანეთის შიდასახელმწიფოებრივი მნიშვნელობის საავტომობილო გზიდან არჩილის მონასტერთან და ჟებოტის ამაღლების კომპლექსთან მისასვლელი საავტომობილო გზების რეაბილიტაციის საპროექტო-სახარჯთაღრიცხვო დოკუმენტაციის შედგენის მომსახურება (შემდგომში მომსახურება) (cpv71320000), ხოლო შემსყიდველი კისრულობს ვალდებულებას მიიღოს მიწოდებული მომსახურება და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

3. ხელშეკრულების ღირებულება

3.1. მთლიანი სახელშეკრულებო ღირებულება შეადგენს ----- (-----) ლარს

3.2. ხელშეკრულების ღირებულება მოიცავს ყველა ხარჯს, რომელიც დაკავშირებული იქნება წინამდებარე ხელშეკრულების დანართით N1 (ტექნიკური დავალება) გათვალისწინებული მომსახურების მიწოდებისთვის გათვალისწინებულ ყველა ხარჯსა და მოსაკრებელს და მიმწოდებლისთვის გათვალისწინებულ ყველა გადასახადს.

3.3. გასაწევი მომსახურების რაოდენობა და ერთეულის ფასი მოცემულია ხელშეკრულების დანართში N2, რომელიც წარმოადგენს წინამდებარე ხელშეკრულების განუყოფელ ნაწილს.

4. შესყიდვის ობიექტის მახასიათებლები და მიწოდების ვადები

4.1. შესყიდვის ობიექტის მახასიათებლები, მომსახურების მიწოდებისთვის გასატარებელი ღონისძიებები, საპროექტო სახარჯთაღრიცხვო დოკუმენტაციის შემადგენლობა, მომსახურების მიწოდების პირობები და მიმწოდებლისთვის დადგენილი სხვა მოთხოვნები, რომელიც აუცილებელი იქნება მომსახურების გაწევისათვის მოცემულია ხელშეკრულების დანართში N1 (ტექნიკური დავალება და მომსახურების აღწერილობა), რომელიც წარმოადგენს წინამდებარე ხელშეკრულების განუყოფელ ნაწილს.

4.2. მომსახურების მიწოდებისას მიმწოდებელმა უნდა გაითვალისწინოს საქართველოში მოქმედი სამართლებრივი აქტებით დადგენილი ყველა მოთხოვნა, რომელიც დაკავშირებული იქნება მომსახურების გაწევასთან, ასევე მიწოდებული მომსახურება უნდა შეესაბამებოდეს აღნიშნული მომსახურებისათვის დადგენილ საერთაშორისო სტანდარტებსა და მოთხოვნებს.

4.3. მომსახურების გაწევის საერთო ვადა და მოსახურების ცალკეული ეტაპების მიწოდების ვადები მოცემულია ხელშეკრულების დანართში N1 (ტექნიკური დავალება).

5. ხელშეკრულების შესრულების კონტროლი

5.1 ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

5.2 ხელშეკრულების მიმდინარეობის კონტროლის მიზანს წარმოადგენს:

5.2.1 მომსახურების მიწოდების ვადების ხელშეკრულების მოთხოვნებთან შესაბამისობის დადგენა;

5.2.2 მიწოდებული მომსახურების ხარისხის ხელშეკრულებით გათვალისწინებულ მოთხოვნებთან შესაბამისობის დადგენა, მომსახურების განხილვა-შეთანხმება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში შესაბამისი ინსპექტირების დასკვნის შედგენა.

5.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

5.3 ხელშეკრულების შესრულების კონტროლს ახორციელებს სსიპ საქართველოს მუნიციპალური განვითარების ფონდის -----

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული მომსახურების შესაბამისად.

6.2. მომსახურების წარდგენისა და მიღება-ჩაბარების პირობები მოცემულია ხელშეკრულების დანართში N1.

6.3. შემსყიდველის მხრიდან მომსახურების მიღება-ჩაბარებაზე უფლებამოსილი პირი არის სსიპ საქართველოს მუნიციპალური განვითარების ფონდის -----

7. ანგარიშსწორება

7.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით.

7.2. ანგარიშსწორება განხორციელდება მიმწოდებლის საბანკო რეკვიზიტებზე.

7.3. ანგარიშსწორება მიმწოდებელთან განხორციელდება მხარეთა შორის გაფორმებული მიღება-ჩაბარების აქტისა და დადგენილი წესით საგადასახადო ანგარიშფაქტურის წარდგენის საფუძველზე თუ მიმწოდებელი არის დღგ-ს გადამხდელი.

7.4. ანგარიშსწორება მიმწოდებელთან განხორციელდება მიმწოდებლის მიერ ხელშეკრულების 7.3. პუნქტით გათვალისწინებული დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.

7.5. მიმწოდებლის მოთხოვნის შემთხვევაში შესაძლებელია ანგარიშსწორება განხორციელდეს

ცალკეული ეტაპების მიხედვით, შემდეგი პროპორციით:

7.5.1. დეტალური პროექტის საწყის ვარიანტი - არაუმეტეს ხელშეკრულების ღირებულების 30%;

7.5.2. ტექნიკურ-ეკონომიკური შესწავლის საბოლოო ანგარიში, დეტალურ პროექტი, სატენდერო მასალები და ადგილობრივ მუნიციპალიტეტთან პროექტის შეთანხმების დოკუმენტი - არაუმეტეს ხელშეკრულების ღირებულების 70%;

7.6. მიმწოდებლის მოთხოვნის შემთხვევაში შესაძლებელია საავანსო ანგარიშსწორება საქართველოში მოქმედი ბანკის მიერ გაცემული შემსყიდველთან შეთანხმებული შინაარსის უპირობო, გამოუთხოვადი წინასწარი ანგარიშსწორების (საავანსო) საბანკო გარანტიის წარმოდგენის საფუძველზე, რომლის მოქმედების ვადა მინიმუმ 60 კალენდარული დღით უნდა აღემატებოდეს მომსახურების მიწოდების საბოლოო ვადას.

7.7. ავანსის მოცულობას და პერიოდულობას განსაზღვრავს „შემსყიდველი“ „მიმწოდებლის“ მიერ წარმოდგენილი არგუმენტირებული მოთხოვნის საფუძველზე.

7.8. სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-26² მუხლის მე-6 პუნქტის მოთხოვნათა თანახმად მიმწოდებელი, როგორც თეთრ სიაში რეგისტრირებული პირი, წარმოადგენს წინასწარი ანგარიშსწორების (საავანსო გადახდა) საბანკო გარანტიას საავანსო თანხის 50%-ის ოდენობით.

7.9. წინასწარი ანგარიშსწორება მიმწოდებელთან განხორციელდება მის მიერ შესაბამის თანხაზე საქართველოში მოქმედი ბანკის მიერ გაცემული წინასწარი ანგარიშსწორების (საავანსო) საბანკო გარანტიის წარმოდგენიდან არაუგვიანეს 10 სამუშაო დღის განმავლობაში.

7.10. წინასწარი ანგარიშსწორების შემთხვევაში თავდაპირველად განხორციელდება საავანსო თანხის დაქვითვა სრულად.

8. მომსახურების ხარისხი და გარანტია

მიმწოდებელი იძლევა გარანტიას, რომ მის მიერ გაწეული მომსახურება იქნება უფლებრივად და ნივთობრივად უნაკლო, არ გამოავლენს ხარვეზებს და შესრულებული იქნება მაღალხარისხოვნად, წინააღმდეგ შემთხვევაში იგი ვალდებულია საკუთარი სახსრებით უზრუნველყოს გამოვლენილი ხარვეზის გამოსწორება.

9. შესყიდვის ობიექტის საკუთრება, კონფიდენციალურობა და სავტორო უფლება

9.1. მიმწოდებლის მიერ მიწოდებული საპროექტო-სახარჯთაღრიცხვო დოკუმენტაცია და საპროექტო სახარჯთაღრიცხვო დოკუმენტაციით გათვალისწინებული ყველა სახის მასალა (გამოკვლევა, ანგარიშები ან სხვა მასალები, გრაფიკა, პროგრამული უზრუნველყოფა და სხვა დოკუმენტები) მიღება-ჩაბარების აქტის გაფორმების დღიდან წარმოადგენს შემსყიდველის საკუთრებას.

9.2. წინამდებარე ხელშეკრულების მოქმედების ვადაში და მისი შეწყვეტის შემდგომაც მიმწოდებელმა უნდა უზრუნველყოს საპროექტო-სახარჯთაღრიცხვო დოკუმენტაციისა და მისი შემადგენელ ყველა ნაწილთან დაკავშირებულ ინფორმაციის კონფიდენციალურობის დაცვა.

9.3. საავტორო უფლების საკითხი რეგულირდება მოქმედი კანონმდებლობის შესაბამისად.

10. მხარეთა ვალდებულებები

10.1. მიმწოდებელი ვალდებულია:

10.1.1. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

10.1.2. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

10.2. შემსყიდველი ვალდებულია:

10.2.1. დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს მიმწოდებლის დროული და სრული დაფინანსება.

10.2.2. დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

10.2.3. დაიცვას ხელშეკრულებით გათვალისწინებული ყველა პირობა.

11. მხარეთა უფლებები

11.1. მიმწოდებელს უფლება აქვს:

11.1.1. ხელშეკრულების ფარგლებში მოითხოვოს დროული და სრული დაფინანსება.

11.2. შემსყიდველს უფლება აქვს:

11.2.1. აწარმოოს მიმწოდებლის მიერ წინამდებარე ხელშეკრულებით ნაკისრი ვალდებულებების კონტროლი.

11.2.2. განაცხადოს უარი უხარისხო მომსახურების მიღებაზე.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების გაწევისათვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. ხელშეკრულების პირობების და ფასების გადასინჯვა

13.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

13.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

13.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

13.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით

მიმართოს საქართველოს სასამართლოს.

15. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

16. ხელშეკრულების პირობების შეუსრულებლობა

16.1 მიმწოდებელი კისრულობს პასუხისმგებლობას ხელშეკრულებით გათვალისწინებული მომსახურების მიწოდების საერთო ვადის დარღვევის შემთხვევაში გადაუხადოს შემსყიდველს პირგასამტეხლო ხელშეკრულების ღირებულების 0,1%-ის ოდენობით, ყოველ ვადაგადაცილებულ დღეზე.

16.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევის შემთხვევაში მიმწოდებლის წერილობითი მოთხოვნის საფუძველზე გადაუხადოს პირგასამტეხლო მიმწოდებელს ხელშეკრულების ღირებულების 0,1%-ის ოდენობით, ყოველ ვადაგადაცილებულ დღეზე.

16.3 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

16.4 იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, მეორე მხარეს უფლება აქვს შეწყვიტოს ხელშეკრულება.

17. ხელშეკრულების შეწყვეტა

ხელშეკრულება შეიძლება შეწყვეტილ იქნეს:

17.1. მხარეთა შეთანხმებით;

17.2. ხელშეკრულების 16.4. პუნქტით გათვალისწინებული პირობის არსებობისას;

17.3. საქართველოს მოქმედი კანონმდებლობით გათვალისწინებულ სხვა შემთხვევებში.

18. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 201- წლის --- ----- ჩათვლით.

19. განსაკუთრებული პირობები

19.1 ხელშეკრულება შედგენილია 2 ეგზემპლარად და თითოეულ მათგანს თანაბარი იურიდიული ძალა აქვს;

19.2 ხელშეკრულების ერთი ეგზემპლარი ინახება შემსყიდველთან, ხოლო ერთი ეგზემპლარი მიმწოდებელთან.